

BOSNA I HERCEGOVINA
FEDERACIJA BOSNE I HERCEGOVINE
SOCIJALDEMOKRATSKA PARTIJA BOSNE I HERCEGOVINE

ELVIR KARAJBIĆ,
ZASTUPNIK U PREDSTAVNIČKOM DOMU PARLAMENTA FEDERACIJE BOSNE I
HERCEGOVINE

ANER ŽULJEVIĆ,
DELEGAT U DOMU NARODA PARLAMENTA FEDERACIJE BOSNE I
HERCEGOVINE

N/r gđin. Edin Mušić, predsjedavajući Predstavničkog doma Parlamenta FBiH


N/r gđža. Lidija Bradara, predsjedavajuća Doma naroda Parlamenta FBiH

Na osnovu člana 186. Poslovnika o radu Doma naroda Parlamenta Federacije Bosne i Hercegovine i člana 191. Poslovnika o radu Predstavničkog doma Parlamenta Federacije Bosne i Hercegovine podnosim PRIJEDLOG ZAKONA O IZMJENI I DOPUNI ZAKONA O PLAĆAMA I NAKNADAMA U ORGANIMA VLASTI FEDERACIJE BOSNE I HERCEGOVINE radi njegovog razmatranja i usvajanja po **hitnom postupku**.


Parlament Federacije Bosne i Hercegovine
PARLAMENT FEDERACIJE
KARAJEVO

Datum: 13-02-2017	
Broj: 01,02-02-	Priloga: 363
	Vrijednost: 197

ELVIR KARAJBIĆ



ANER ŽULJEVIĆ



PRIJEDLOG

ZAKON

**O IZMJENI I DOPUNI ZAKONA O PLAĆAMA I NAKNADAMA U ORGANIMA
VLASTI FEDERACIJE BOSNE I HERCEGOVINE**

Sarajevo, februar 2017. godine

ZAKON

O IZMJENI I DOPUNI ZAKONA O PLAĆAMA I NAKNADAMA U ORGANIMA VLASTI FEDERACIJE BOSNE I HERCEGOVINE

Član 1.

U članu 13. Zakona o plaćama i naknadama u organima vlasti Federacije Bosne i Hercegovine iza stava 5. dodaju se novi stav 6. i 7. koji glase:

„Ostvarivanje prava iz ovog člana obustavlja se do momenta dok prosječna plaća u Federaciji Bosne i Hercegovine ne dostigne iznos od 1.200 KM“.

„Visina naknada propisanih ovim članom ne može biti veća od iznosa jedne osnovice za obračun plaće utvrđene ovim zakonom“.

Član 2.

Ovaj zakon stupa na snagu narednog dana od dana objavljivanja u „Službenim novinama Federacije Bosne i Hercegovine“.

OBRAZLOŽENJE

ZAKONA O IZMJENI I DOPUNI ZAKONA O PLAĆAMA I NAKNADAMA U ORGANIMA VLASTI FEDERACIJE BOSNE I HERCEGOVINE

I - USTAVNI OSNOV ZA DONOŠENJE ZAKONA

Ustavni osnov za donošenje ovog zakona sadržan je u odredbama člana IV.A.20. (1) d) Ustava Federacije Bosne i Hercegovine prema kojima je Parlament Federacije Bosne i Hercegovine, između ostalog, nadležan za donošenje zakona o vršenju funkcija federalne vlasti.

II - RAZLOZI ZA DONOŠENJE ZAKONA

Postojeći Zakon o plaćama i naknadama u organima vlasti Federacije Bosne i Hercegovine propisao je širok spektar prava izabranim dužnosnicima, imenovanim dužnosnicima i njihovim savjetnicima u Federaciji BiH. Istovremeno, zakonom nije na jasan i transparentan način uređena metodologija izračuna visine ovih naknada, niti su normirani zakonski kriteriji prema kojim se ove naknade određuju i ujednačavaju za različite nositelje izabраниh ili imenovanih funkcija. Iz tog razloga u praksi se godinama pojavljuju situacije da se odluke o visini ovih naknada mijenjaju bez bilo kakvih jasnih kriterija. Istovremeno, postavlja se i pitanje opravdanosti postojanja naknada za odvojeni život od porodice i smještaja u mjestu rada za izabrane i imenovane zvaničnike i njihove savjetnike, s obzirom na nivo plaća i drugih naknada koje svi oni ostvaruju prema odredbama ovog zakona. Posebno je bitno napomenuti da niko od njih nije mimo svoje volje izabran ili postavljen na bilo koju od ovih pozicija, te je krajnje upitna opravdanost postojanja ovih naknada. Posebno je bitno naglasiti kako bi se usvajanjem ovog zakona ostvarila ušteda unutar Budžeta Federacije Bosne i Hercegovine od najmanje jedan milion KM godišnje, s obzirom da pravo na korištenje ovih naknada u ovom trenutku ima više od 200 osoba u Parlamentu, Vladi Federacije BiH, te Uredima Predsjednika i dva potpredsjednika Federacije Bosne i Hercegovine.

III - OBJAŠNJENJE PREDLOŽENIH IZMJENA I DOPUNA ZAKONA

U članu 13. Zakona o plaćama i naknadama u organima vlasti Federacije Bosne i Hercegovine, predloženim novim stavom 6. suspenduje se primjena prava koja propisuje ovaj član, i to na način da se isplate naknada za odvojeni život od porodice i smještaj u mjestu rada vezuju za rast prosječne plaće u Federaciji Bosne i Hercegovine. Predloženo je da se isplata ovih naknada odmah obustavi sve do momenta dok u Federaciji BiH prosječna plaća ne dostigne iznos od 1.200 KM. Također, istovremeno se propisuje i jasan kriterij prema kojem visina ovih naknada, nakon ponovnog početka njihovog obračuna i isplate, ne smije biti veća od iznosa jedne osnovice za izračun plaće utvrđene ovim zakonom. Trenutno osnovica za izračun plaća prema ovom zakonu iznosi 315 KM, dok su visine naknada za odvojeni život i smještaj u mjestu rada koje se sada isplaćuju po dva ili tri puta veće od ovog iznosa, u zavisnosti od institucije na koju se odnose.

IV – FINANSIJSKA SREDSTVA

Za provedbu ovog zakona nije potrebno osigurati finansijska sredstva u Budžetu Federacije Bosne i Hercegovine.